


B. N. C.
FIRENZE
1098
15




1018.15

Google

VII

STIMAGN.





JO. BAPTISTA NA

VICENTINI

CLERICORUM REGULARIUM PRESBYT

De optima philosophandi ratione

O R A T I O

*Habita in Collegio Imperiali Nobilium
RR. PP. Theatinorum*

AI

Ab Imp. Cæsare CAROLO VI. Hispaniarum,
& Siciliae Rege

PANORMI INSTITUTO

A D

FERDINANDUM

MARIAM THOMASIVM

*Lampaduse Principem, Palmæ Ducem, &c.
Hispaniarum Magnatem.*



ROMÆ, MDCCXXXII

Ex. Typographia Joannis Baptistæ Salvioni.

Superiorum Licentia.



THE UNIVERSITY OF CHICAGO

LIBRARY OF THE UNIVERSITY OF CHICAGO

ATQUE EXCELL.^{mo}

FERDINAND

MARIÆ THOMASIO

Lampadusæ Principi, Palmæ Duci, &c.
Hispaniarum Magnati.

II

JO: BAPTISTA NÆVIUS CLER.REG. S.P.D:

U BI Theatinorum Ordinem in-
gressus sum, atque ea, quæ
JOSEPHUS THOMASIVS
paucis ante annis e vivis su-
blatus Sanctissime gesserat,
quæque copiosissime de rebus al-
tissimis, atque ornatissime scripserat, ex in-
tervallo commemorari audiui, ipsumque, non
tam quod clarissimo Genere, quam quod opti-
mis Christianæ pietatis exemplis ornatissimo

A 2

na.

adari ; statim omni observantie o-
 bilissimā **THOMASIORUM** Familiam
 obstringi me sensi , ut vel hoc uno Ur-
 in banc , imo Siciliam universam beatissi-
 mam predicarem , quod non hominibus modo
 pietate prestantibus , sed familiis etiam , queis
 sanctitas , ut ita dicam , patrimonium esset
 omnium uberrimum , jure gloriari possit. Quo-
 circa ubi Nobilissimorum Adolescentium in
 Philosophia instituendorum causa in Siciliam
 trajeci , summopere gavisus sum , quum mul-
 tis de causis , tum vero ob eam maxime ,
 quod **CARDINALEM THOMASIVM** beic
 natum , & complures annos versatum esse co-
 gitabam ; usu siquidem evenit , ut acrius , &
 attentius de summis viris , locorum admoni-
 tu , cogitemus , quam si quando eorum ipso-
 rum , aut facta audiamus , aut scripta lega-
 mus . Itaque nihil præterea jam mihi optan-
 dum superat , nisi ut hujusmodi animi mei sen-
 sum , atque eam voluptatem , quam inde ce-
 peram , Siculis omnibus , Tibique præsertim ,
PRINCEPS amplissime , manifestarem ; quo
 fieret ; ut & iidem , que de Cive optimo ,
 & ornatissimo , & Tu ipse , que de Patruo
 præclarissimo apud exterarum gentes honorifice ,
 & gra-

Et graviter prædicationem, etiam a
cognosceretis: Id ut præstarem, non op-
pne modo, sed etiam cum celebritate, in-
rissimorum nimirum Virorum primarii in
regia Urbe Ordinis frequentia, occasio
præbuit nuper a me habita Oratio, De opti-
ma philosophandi ratione; quandoquidem
nullam aliam meliorem, aut magis aptam Vi-
rum summum laudandi opportunitatem nan-
cisci poteram, quam, quum iis de rebus ver-
ba facerem, in quibus THOMASIVS quan-
topere excelluerit, quam acute, et subtiliter
senferit, quam apte, accurateque scripserit
(etsi non ex instituto) nemo, qui eius scripta
legerit, non novit. Verum quod pro meo in
Siculos officio, ac studio satis esse videbatur,
pro observantia tamen erga Te mea, tuaque
cum Cardinali amplissimo naturæ necessitudi-
ne, quæ summa est, baud satis esse putavi,
nisi hanc ipsam Orationem Tibi inscriberem;
id quod libentissime facio, baud dubitans,
quin pro singulari tua humanitate, ac pro
sincerissima, qua Theatinorum Ordinem pro-
sequeris, benevolentia, munus hocce, quale-
quumque est (quod certe parvum est, et
exile) benigne, et comiter sis accepturus.
Vehementer scilicet amas nos, atque nostra,
apud

II

magnus est, memabile, ac per quam
ipsum THOMASIORUM nomen, ob
laudem, quam pietatis, tum doctrine lau-
, qua CAROLUS Patruus tuus major,
JOSEPHUS magnus Patruus Clerico-
rum Regularium Congregationem illustrarunt;
quibus, quam proximus sis, non modo san-
guinis conjunctione, verum etiam pietate, ac
morum honestate, libenter exponerem, si per
Te mihi liceret, cujus tanta est animi mode-
ratio, ut vel domesticas ipsas præclarissimo-
rum Majorum laudes (quid tuas dixerim?)
vix, ac nonnisi cum ingenua quadam vere-
cundie, pudorisque significatione, audire pos-
sis. Quamobrem ne Tibi molestus videar, id
tantum significabo, quod æqui, bonique facias;
velim; nimirum ea præsertim de causa Ora-
tiunculam hanc in tuo nomine apparere voluis-
se me; ut posthac compertum habeas, honestio-
res Artes, atque aded severiores Disciplinas;
quæ in hac amplissima Domo; in qua, & Si-
culæ Nobilitatis flos, & spes maxima Sici-
liæ residet, traduntur, JOSEPHI CARDI-
NALIS THOMASII institutionibus niti;
ut Domus ipsa eius ope nititur, præsidioque
firmissimo. Vale.

3008

ORA-

ORATIO.

QUÆ ad bene ; beateque
vivendum subsidia veteres
sapientes excogitarunt, N.
N. ea quatuor præceptis
fuerunt comprehensa, ni-
mirum, *Tempori parere,*
Et sequi Deum, Et se noscere, Et nihil
nimis (a); quibus ut in secundis rebus mo-
derationem, in adversis fortitudinem, at-
que constantiam, in supremum Numen
pietatem, cupiditatum coercionem, vir-
tutum denique omnium ornamenta iidem
complexi sunt, ita quo potissimum duce
adhæc omnia sibi comparanda hominibus
sit utendum, Philosophia nimirum, haud
obscurè significarunt. Et quidem, *si tales*
nos natura genuisset, inquit Tullius (b),
ut eam ipsam insueri, Et perspicere, et ea-
demque optima duce, eam vitam conficere
possemus, haud erat sane, quod quisquam
rationem, aut doctrinam requireret. Ve-
rum quia exigua duntaxat virtutum semi-
na animis nostris inseruit, ne ea pravis mo-
ribus, & nimia errorum, quibus ob sum-
mam opinionum perversitatem obnoxii su-
mus, multitudine obruerentur, disciplina
aliqua profecto fuit invepienda, quæ illa
tueretur, foveretque, ut paulatim adole-
scentia . . . vitæ honestum finem, ad
quem

(a)
Cicero de fin.
lib. 3. in fine

(b)
Tuscul. 32

quem propensos natura formavit, perducerent. Ex quo sane intelligere possumus quanti Philosophiæ studium optimo cuique faciendum sit; si enim ex cuiusque disciplinæ materia, ratione, ac sine ejus dignitas, atque utilitas est æstimanda, ea profecto facultas ceteris omnibus, & studiis, & artibus antecedit, quæ aptam ratione bene utendi viam pandit, quæ supremi Numinis notitiam nostris mentibus ingerit, quantaque ei gratia debeatur, ostendit, quæ denique ad justitiam colendam, ad tuendas amicitias, & reliquas caritates animum ita comparat, ut naturæ dux, vitæque magistra jure optimo dici possit. Itaque mirandum non est, si ii, qui Philosophiam quovis tempore coluerunt, adeo quum æquitatis, tum officii, ac pudoris, & moderationis amore, quæ nos virtutes Dei immortalis efficiunt quam simillimos, capti sunt, ut non semel efferatæ, barbaræque nationes, non modo omni immanitate deposita, humanitatem, morumque disciplinam nosse, & colere cœperint, verum etiam præstantissimis, & ingenio, & animi magnitudine viris brevi floruerint. At quorsum in Philosophiæ laudibus exornanda, quæ jam cuique notissimæ sunt, tandiu immorari? Neque enim is ego sum, qui pro rei dignitate, atque amplitudine omnia ejus ornamenta recensere valeam, & id adeo exploratum est, ut pluribus persequi velle, ina-

inane omnino esse videatur. Satius est igitur quoniam Philosophiæ studia, quæ nunc primum in hoc scientiarum, atque optimarum partium Domicilio inchoantur, moderandi provincia mihi demandata est, de universa huic disciplinæ operam præstandi ratione differere; id enim consilii capiendum mihi censui, quum non alia de causâ constet vos huc convenisse, nisi ut, quæ sit optima philosophandi ratio nobili, atque ingenuo Adolescenti conveniens, quamque viam ipse insistere, quave uti methodo, statuerim, cognosceretis.

Sape attente mecum reputanti quid sit, cur in tanta Philosophorum copia adeo pauci fuerint, qui veritatem recte inquirere noverint, paucissimi, qui eandem invenire potuerint, occurrit tum nimia, qua veteres semper in scholis polluerunt, auctoritas, tum obfirmata illa per tot sæcula, perstans, & increbrescens opinio, certos huic scientiæ fines a veteribus constitutos esse, ut aliquam iisdem accessionem fieri posse nobis omnino foret desperandum. Hinc scilicet factum est, ut quamplures acutissimi, atque acerrimi ingenii viri, qui ad Philosophiæ studium quovis tempore se contulerunt, non quid de unaquaque re ratio suaderet, sed quid ab eo, quem initio sectari decreverant, statutum fuerit, investi-

B

gan-

gantes, non modo opiniones, quæ falsæ
esse poterant, temere ratas habuerint,
sed etiam metam humanis viribus defi-
nitam se attigisse crediderint, si illos fue-
rint assequuti. Ex hac antecepta animo
informatione quantum detrimenti cepe-
rit Philosophia, haud satis dixerim; ete-
nim quum ceteræ artes, & scientiæ ma-
gis in dies expolirentur, novisque auge-
rentur incrementis; atque adeo recentio-
res aliæ, quæ veteres latuerunt, passim
in lucem prodirent, Philosophiæ solum
adeo male consultum fuit, ut ne sæculo-
rum quidem viginti spatio quicquā pro-
fecerit, &, quod gravius est, sterilior
quotidie, atque implicatior apparuerit.

Neque enim id temporis vitio cun-
cta evertentis, & deformantis vertendum
crediderim; quandoquidem, ut optime
monet Vir quidam clarissimus, ac de
Philosophia optime meritus, tantum
abest, ut artibus, & scientiis tempus ali-
quid afferat detrimenti, ut etiam eas de-
beat maxime promovere. (c) *Quum enim,*
inquit, *multis per omnium sæculorum*
seriem eandem artem, seu scientiam ex-
colentibus, præcedentium inventis ali-
quid de sua quisque industria adjiciat,
novumque lumen afferat; ea ars, seu
scientia magnum sibi faciat accessionem,
Et in dies perficiatur necesse est. Id quod
statim disciplinarum, atque optimarum

ar-

(c)
Jacobus Ro-
baltrius in præ-
fatione ad
Physicam.

artium omnium inductione confirmat. Causa itaq; retardati Philosophiæ progressus alia esse nequit, quam nimia antiquorum veneratio, a quorum semitis recedere sine piaculo nullus posse existimabatur. Quocirca qui in veritatis investigatione alienum sequuntur iudicium, cum iis mihi conferendi videntur, qui quum suis ipsi oculis incedere possint, sponte sua sese lucis usura orbant, atque aliorum oculis ad progrediendum uti malunt. Siquidem id est menti iudicium, quod oculus corpori; quemadmodum igitur si quis oculos clauderet, aut sibi effoderet, ut ab alio duceretur, non solum re ipsa nihil videret, sed sibilis, & cachinnis tanquam demens exciperetur, ita qui, abdicato mentis usu, jurat, ut vulgo dici solet, in verba alicujus Auctoris, quicumque ille sit, ejusque iudicio omnino sese subicit, (d) nihil revera intelligere, aut judicare confendus est, proindeque jure, & merito deridendus.

Huc perniciosæ anticipationis occasionem præbuit, aut ego fallor, malefectorum quorundam, qui sibi docti videbantur, petulantia, qui quum ob ingenii tenuitatem nihil de suo depro mere possent, toti erant in aliorum voluminibus evolvendis; ex quibus quæ sparsim, & sine ullo ordine decerpserant,

(d) Quum sapere, id est veritatem querere, omnibus sit innatum, sapientiam sibi adimunt, qui sine ullo iudicio inventa majorum probant, & ab aliis pecudis more ducuntur. *Lat. Ant. lib. 2. Divinarum Instit. cap. 8.*

memoriæ mandantes, passim in otiosorum hominum cœtibus, eruditorum nomen apud indoctos affectantes, effundebant. Hac falsa eruditionis specie decepti, quamplures, juniores præcipue, quum aliorum dictis acquiescere, nihilque moliri minus operosum sit, optime secum actum existimarunt, si veterum inventis, & eorum præcipue, quorum nomen in omnium ore versaretur, contenti, in iisduntaxat atsequendis omne studium, diligentiamque adhiberent. Dum hæc Philosophandi ratio invaluit, eo usque retardatus est scientiæ naturalis progressus; ut jam sapientioribus fere omnibus studia philosophica sorderent, quippe quæ viderentur ferme inutilia, & ex usu magis, quam ex utilitate aliqua, quæ inde capi posset, excolenda.

Ubi vero præstantissimi viri proximi sæculi tempore fere medio exorti sũt, qui veterum philosophantium jugum excutere, suumque judicium ad res omnes asserre statuerunt, ut nihil, quod ipsis non optime probaretur, quodve per se evidens, & perspicuum minime esset, confirmarent; tum Philosophia, quæ ad ea usque tempora misere jacuerat, erecta quodammodo, & recreata consistere, novaque luce exornari, ipsique incrementum in dies majus asserri, coepit.

Quod ad nostrum igitur institutum
spe-

ſpectat , id nobis primo præſtandum , ut rejectis omnibus anteceptis opinionibus , noſtro , non aliorum judicio , utamur in veritatis inquiſitione . Etenim quum ſit mētis naturale quoddam quaſi pabulum conſideratio , contemplatioque naturæ , indagatio ipſa rerum , tam earum , quæ ſub aſpectum cadunt , quam quæ per mentem a ſenſuum conſuetudine abductæ , cognoscuntur , tantam habet oblectationem , ut ſi veritatem inveſtiganti , non dicam veritas ipſa , ſed aliqua ſimilitudo veri occurrat , humaniſſima compleatur animus voluptate .

At quum non omnia , quæ in Philoſophiam irreperſerunt , abſurda ex eo manarint , quod aliorum , & veterum præcipue auctoriſitati plus æquo tributum fuerit ; ſed maxime ex opinionibus a ſenſuum in animum impreſſione facta prognatis , atque ex inconfiderata de rebus ignotis , vel non ſatis exploratis ſententia ; hinc utrique incommodo omni cura , cogitationeque conſulendum eſt . Et primo quidem , quum omnibus iis opinionibus , quas ſenſibus hauſimus , mentem ſtatim exuere , eaſdemque ab iis , quæ a claris , diſtinctiſque notionibus ortum habuerunt , ſecernere , per quam difficile ſit ; ne ſub veritatis ſpecie falſitate capiamur , Philoſophiæ ſtudium a dubitatione incipiendum ſtatuiſmus . Omnia igitur

na-

naturalia, quæ hucusque, ut vera, rata habuimus, sine discrimine in dubium initio revocabimus, & nostrum assensum tandiu continebimus, quoad certa ab incertis, perspicua ab obscuris diligentissime distincta fuerint.

Non deerunt, qui nostram hanc philosophandi rationem minus probent; erunt etiam, qui nos in suspicionem violatæ Religionis vocent, perinde ac si de Dei existentia, nec non de animorum nostrorum immortalitate, aliisque ad prædictam Religionem pertinentibus re ipsa, quod Deus avertat, dubitemus; quibus satis esse deberent ea, quæ Cajus Cotta apud Tullium ^(e) Lucilio Balbo, a quo diu, multumque fuerat lacepsitus, ut suam de Deorum natura opinionem probaret, respondisse fertur. Liceat igitur mihi ejus verbis uti parumper immutatis, & ad nostram causam accommodatis: *Ego vero ea, quæ Romana Religio præcipit tenenda de supremi Numinis natura, deque reliquis ejusdem Religionis decretis, defendam semper, semperque defendi; nec me ex ea opinione, quam a majoribus accepi, ullius unquam oratio, aut docti, aut indocti movebit: sed quum de Religione agitur, divinas Literas imprimis, sacram traditionem, sacra Concilia, sanctos denique Patres & præsertim Augustinum, &*
Tho-

^(e)
 Lib. 3. De
 nat. Deorum.

Thomam, non Zenonem, aut Cleantem, aut Chrysippum, non Aristotelem, Gasendum, Cartesium, Nevvtonum sequor Quare si quod est divinum mysterium, aut Religionis decretum, quod naturali ratione firmari possit, a Philosophis rationem accipere debeo; majoribus autem nostris, etiam nulla ratione reddita, credere.

Nihilominus ut vitiligatorum os penitus obstruamus, quid philosophicæ dubitationis nostræ nomine intelligi debeat, exponamus. Plures enim esse possunt dubitandi modi, nimirum potest quis dubitare ex vitiositate, atque ex prava animi indole, ut solent Athei; aut ex morositate quadam, ut Academici; vel denique ex dissidentia, quam sui ipsius mens habet, quod propriæ infirmitatis conscia, ne in errorem incaute dilabatur, assensum cohibet, & initio, ut certa ab incertis, perspicua ab obscuris secernat, de omnibus dubitat, sive ita est affecta, ac si reipsa de omnibus dubitaret. Id ipsum Geometrarum dici possent præstare, qui theoremata alias certissima non semel in dubium vertere solent, atque adeo ut falsa ponere, ut argumentis ea demonstrent. Quid quod agricolarum quoque mos est, ut triticum palea exolvant, utrumque in auras projicere, ut palea vento alio impulsâ, expurgatum triticum col-

colligant? Quemadmodum igitur triticum revera projicere non censetur agricola; ita nos qui in philosophiæ limine de omnibus dubitamus; non omnia rejicere, improbaretque judicandi sumus; potissimum vero, quæ ad Religionem revocantur, aut ad illius præsidium quomodo facere possunt. Quare quid nostram inter, & Academicorum dubitationem intersit, perspicuum est; illi enim ita dubitabant, ut nullum unquam dubitandi finem facerent; nos vero tandiu dubitamus, donec veritatis regulam, quæ in perspicuis, distinctisque mentis notionibus a nobis collocatur, animo tenuerimus. Qua quidem in re Platoni morem gerimus, qui, Tullio teste, (f) *Omne judicium veritatis, veritatemque ipsam abductam ab opinionibus, & a sensibus, cogitationis ipsius, & mentis esse voluit.*

(f)
Lib. 2. Acad.

Ad judicii vero præcipitem celeritatem quod attinet, duo vitia hac in revitanda monet idem Tullius: (g) *Unum, ne incognita pro cognitis habeamus, hisque temere assentiamus. Alterum est vitium, quod quidam nimis magnum studium, multamque operam in res obscuras, atque difficiles conferunt, easdemque non necessarias. Quorum primum (quod sane quum in liberalibus discipulis, tum in vita, & societate com-*

(g)
De officiis
lib. 2.

mu-

anni, gravissimorum errorum caput;
 & origo est) ut effugiamus, *adhibebimus*
ad considerandas res, Et tempus, Et di-
ligentiam (h). Quumque nihil melius
 inconsiderata de qualibet re sententiam
 ferendi proclivitati mederi possit, quam
 longa, & circumspecta cunctatio; assen-
 sum nostrum tandiu suspendendum exi-
 stimamus, quoad perfectam quæstionis,
 de qua agitur, notitiam simus assequuti.
 Neque enim ædepol ii sumus, qui, ut
 quidam credere solent, quum nostrum
 iudicium, ubi res ipsa per se minime per-
 spicua est, apponimus, uti non semel,
 maxime in *Physicis*, usu venit, veritatem
 jam tenuisse nos putemus, eidemque fir-
 missime assentiamus. Illa enim, de qui-
 bus in utramque partem disputari potest,
 talibus fere non nituntur fundamentis,
 ut citra omne errandi periculum certissi-
 mum, absolutumque iudicium de iis fer-
 re possimus. Quinimo indignum prorsus
 sincero, candidoque Philosopho existi-
 mamus, alicui sententiæ, de qua adhuc
 ambigatur ita se addicere, ut omni du-
 bitatione semota, constanter aliquis sibi
 persuadeat, eam duntaxat opinionem
 veram esse, quam probat; id quod tam
 est ab amore veritatis alienum, ut
 non ulla res magis omnem aditum obse-
 ret ad veritatem. Quamobrem permir-
 rum mihi videtur viros probos, ac pios

C

in

(i) in id vitium incurrere posse; hinc quippe (i) jurgia, hinc partium studium, &, contumeliae, quod intolerabilius est, contumeliae, tum iracundiae, nec non procacissima illa, adque contentiones, con- que iniquissima turpem haereseos notam certationesq; oppositae sententiae intrendi protervitas; in disputando pertinaces, qua calumnia nihil profecto perverius esse potest, aut ridiculum magis.

Indigne mihi Alterum ab ipsa eadem origine Philosophia emanans vitium id est, ut monuimus, videri solent. in rebus obscuris, & difficultibus, iisdem Cicero lib. 1. De finibus. que minime necessariis tempus contere- re; quod certo sine piaculo fieri non pos- se affirmat insignis Theologus Johannes

(1) Mabillonius in suo de Studii Monasti- Parte 2. c. 15. cis libro (1) in ejus de hac re sententiam pedibus ut Josephus Thomasius nostri Ordinis, ac regiae Urbis hujus ornamentum, Sanctae Romanae Ecclesiae Cardina- lis amplissimus, qua generis nobilitate, qua vita integritate, ac in severioribus disciplinis singulari eruditione magnus imprimis, ac nobilis; qui miserum tem- poris damnum in tot ratiunculis; (m)

In praefatione (tutor ejus verbis) pugnisque verborum, ad Indiculum in tot convortulis; Et minutis conclu- Institutionum sianculis, in tot spinis differendi, par- Theologicarum tendi, atque definiendi, juxta praecepta Veterum PP. differendi, quae Et Aristoteles plurima Roma typis addidit; Et postea qui Dialectici dicun- editum anno tur spinosiora multa pepererunt, valde 1701. Tu Pa- conquestus est; quamque in haec inutili- normi, 1723. bus Postremo igit-

bos Audiis exactam adolescentiam adeo-
 dolebat; ut in Epistola ad eundem Ma-
 billonium data (n) ingenue fateeretur, se
 quondam dixisse *Eminentissimo Cardi-*
nali de Aguirre, si repuerasceres, alio
se prorsus modo sua studia instituerum;
ipsique optimum Cardinalem respondis-
se: se quoque rem menti illius consimi-
lem facturum.

Hinc conjici potest, utrum jure
 nobis succenseant, qui *lispiciosus illas*
disputationes, & tricas, &c) (ita enim
 appellat Thomasius) quibus referti sunt
 Scholasticorum Commentarii, conantur
 defendere Religionis speciem, existiman-
 tes Theologiam, illis procul ablegatis,
 factam rectam minime servari posse. Er-
 gone Vir sanctissimus, deque sacris li-
 teris optime meritis, atque summorum
 omnium nostri ævi Theologorum judi-
 cio probatus, sacre Theologiæ, ne di-
 cam Religioni ipsi, minus consultisse vi-
 debitur, quod eas non inanes solum,
 verum etiam perniciosas, pronuntiaverit?
Ute enim vera sapientia (en ejus verba)
non tam in verbis, quam in verum in-
telligentia, & contemplatione sita est,
ita sedatum, serenumque animum, ceu
purgatum oculum, nec contentionam
fumo obtenebratum postulat. Hoc nam-
que modo blandius sese ingerit veritas,
tenaciusque adhaerecit, ad intimas us-

rum Pan-
mi appositus
est Libro, cui
titulus Syuo-
pūs Theologiæ
veterum P. R.
quem Librum
recens absol-
vit, ac publi-
ci juris fecit
eximius Theo-
logus Jacobus
Gravina Cle-
ricus Reg. An-
no 1723.

(n)
Epistola hæc
extat in capi-
te Indiculi,
de quo supra.
 (o)
In præf. ad
Indiculi post
initium.

que medullas pervadit; totamque ad se
 vocat aciem mentis; secus ac uocavit IN-
 LITIGIOSIS DISPUTATIONIBUS,
 ET TRICIS. Et non ita multo post, ubi
 ostendit Theologiæ studium in Patrum
 lectione, & intelligentia potissimum com-
 prehensum esse; rationem affert, cur
 Sanctis Patribus a Scholasticis nihil tri-
 buatur, præter nudam, ut ipse ait (p),
 reverentiam; exhibitam: e longinquo;
 (p) *In epist. ad* eam nimirum, quod aliusmodi sit stylus
Mabil. Patrum, ac Scholasticorum, ille pla-
 nus aptatus ad omnes; hic SUBTILI-
 TATIBUS, ACUMINIBUS, AC TRI-
 CIS REFERTUS. (q)

(q) *In præf. x. 3.* Pergit inde ostendere, omnia hæc, quæ
 in sacram Theologiam irreperant, vitia
 non aliunde originem duxisse, quam ex
 Peripatetica Philosophia, atque ex ne-
 glecta Platonica philosophandi ratione,
 quam post Socratem, Platonem, Cleo-
 ronem, (r) totumque Philosophorum cœ-
 (r) *Ibidem post* tum tum Græcorum, tum Latinorum,
initium. sequuti sunt veteres, ut ipse ostendit,
 sacrarum doctrinarum Patres, quamque
 Recentiores Philosophi tot jam sæculis
 jacentem, & ut ita dicam, oblivione
 plane obrutam, & sepultam, iterum ex-
 citarunt, atque illustrarunt: Porro, in-
 quit, quum impræsentiarum jaceant
 instituta Platonica, & Aristotelem cun-
 cta resonant gymnasia, quid mirum, si
 mi-

minus intelligantur quandoque Patres ; si, quæ illi didicerunt, plerique omnes ignorant ? (f) Inde hæc subjicit : Ob eam causam multo præstaret adolescentibus aggressuris suo tempore solida Theologiæ studia, primis lineamentis, ac rudimentis Philosophiæ Platonica informare animos . Hæc Thomasius : qui sane quamvis rationem nullam offerret, ut de Platone ait Cicero (t), ob peculiare tamen causæ hujus rationes, ipsa auctoritate me frangeret . Philosophiam igitur nostram, & præcipue Dialecticam, & Metaphysicas disputationes, exsecutis omnibus inutilibus quæstiunculis, ad Platonicam scholam fingemus pro nostris viribus, atque conformabimus ; in id potissimum incumbentes, ut res, non verba sectemur ; atque ubi de vocibus agendum est, ut rebus ipsis verba quam simplicissima, & perspicua potius accomodemus, quam ad ancipitem inanium verborum significationem res ipsas contorqueamus .

Non dubito ab hac philosophandi ratione, quæ a Thomasio tantopere commendatur, nonnullos perculsum iri, eos præsertim, qui

*. . . turpe putant parere minoribus,
& quæ
Imberbes didicere, senes perdenda
fateri.*

C 3

Sed

(f) *ibidem* n. 3.

(t) *Tusc. I.*

Sed quicquid hi obloquantur, haud male mecum actum putabo, Auditores, si auctoritatem, officium, patrocinium, iudicium denique vestrum, quod a me plurimi fit, huic causæ, quæ mihi vobiscum communis est, accessisse compere-ro. Quamobrem si vos totius Siciliæ, si vestræ hujus nobilissimæ Urbis, quæ florentissimi Regni caput est, si præclarissimi Ordinis vestri dignitas, & amplitudo movet, ut certe movere debet, Thomasium vestrum, atque ab eo laudatam studiorum viam, & rationem ab obtrectatorum conviciis vindicate, rogo, quæsoque, ejusque assèclas fove-te, ac pro viribus tuemini. Quid enim a Generis, Nominisque vestri gloria tam abhorrens, quam insignem pietate, ac doctrina Virum civem vestrum, cujus nomen per orbem longe, lateque pervadet, & magis semper increbrescens proferetur, qui exterarum etiam nationes ad sui admirationem pertraxit, a vobis despici, quibus-cum communem obtinuit Patriam, inter quos adolescentiam egit, quos morum probitate, quos vitæ innocentia, quos multorum scriptorum genere, & sacræ purpuræ amplissima dignitate decoravit; quos tandem e Cælo præsidio optimo complectitur, & communit?

At de universæ Philosophiæ ratione satis jam hætenus dictum sit. Reliquum est

est, ut de singulis ejus partibus nonnulla breviter in hac Oratione attingamus. Atque ut a Logica, quæ ordine prima est, & ceteris omnibus præmitti solet, incipiamus; quum ejus præcipuum munus sit mentem ad veritatis inquisitionem instruere, ac recte deducere; ad quod sane nihil conferunt tot vocabulorum divisiones, tot regularum coactiones, quibus veteres Dialectici eam infarserunt, ab ea Dialectica, quæ communiter tradi solet, nostram omnino diversam accipietis. Quocirca illam, non ut artem loquendi philosophicis vocibus, aut inanibus subtilitatibus incautos capiendi, sed ut artem inveniendi veri, & simul errores, in quos ipsi incideremus, aut ab aliis conjiceremur, cavendi, proponere statuimus.

Logicam excipiet ea Philosophiæ pars, quæ, ut est totius veluti disciplinæ radix, & fundamentum, ab Aristotele (u) *Prima Philosophia* appellata fuit, nunc autem *Metaphysica* vulgo dicitur. In ea, quum Dei, tum animorum nostrorum naturam, antequam ad rerum aspectabilem considerationem deveniamus, fusc, & dilucide, quantum humanæ patitur rationis infirmitas, contemplabimur. Quumque nulla cognitio, ut ait eximius quidam Philosophus (x), utilior sit, aut magis necessaria, hominis scientia, eam ceteris æquum

(u)
Du Hamel
in *Præf. ad*
Metaphysic. l. 3.

(x)
Autor libri;
De Inquirenda
veritate;
in Præfatione
ad primum
librum.

æquum est antecedere; ne illos videamur imitari, qui dum ea, quæ foris sunt, curiosius perscrutantur, rei domesticæ curam interim despiciatui habent, quidque in propria domo agatur, ignorant.

Metaphysicis Ethicæ subnectimus, quæ priorem philosophici curriculum annum absolvet. In hac quæ sint hominum, tum erga Deum, tum erga Patriam, tum in reliquos homines, officia declarabuntur; atque ea præ ceteris, quæ ad optimam vitæ institutionem, præsertim in viro ingenuo, illustri loco nato, atque ad aliorum regimen destinato, imprimis sunt necessaria, prodentur. Hanc Philosophiæ partem tanti facere veteres consuevere, ut perfectus, omnibusque numeris absolutus Philosophus haberetur, qui vel soli morum scientiæ operam dedisset. Hinc Socratem laudat Varro apud Tullium (y) quod Philosophiam *primus a rebus occultis, & ab ipsa natura involutis, in quibus omnes ante eum Philosophi occupati fuerunt, avocaverit, & ad vitam communem adduxerit; ut de virtutibus, & vitiis, omninoque de rebus bonis, & malis quæreret*. Stratonem vero Theophrasti auditorem reprehendit, quod *maxime necessariam partem Philosophiæ, quæ posita est in virtute, & moribus, reliquerit, totumque se ad investigationem naturæ contulerit*.

Po-

(y)
Acad. 1.

Postremo loco omnium mole maxi-
 mā, re uberrimam, cognitionum varietate
 jucundissimam, utilitate tamen ceteris
 concedentem, Physicam, seu naturalem
 scientiam docebimus; in qua ea omnia,
 quæ variorum experimentorum ope de-
 texit recentiorum Philosophorum indu-
 stria, minime negligemus, ipsique Geo-
 metriam adjungemus. Etenim quum
 facultas hæc a natura maximis sit tene-
 bris involuta, ab experimentis, & Ma-
 thesi, quæ ipsi per quam affinis est, auxi-
 lium adeo exposcere debet, ut nihil cer-
 ti sit in tota Physica, quod experimentis,
 & geometricæ argumentationi non sit re-
 ferendum acceptum. Porro eorum be-
 neficio tot obfirmati in hominum menti-
 bus errores revulsi sunt, totque ad utum-
 vitæ commoda invecsta, ut ii, qui nec a la-
 bore, nec a gravioribus expensis absti-
 nentes, vel nova intulere experimenta
 naturalem scientiam illustrantia, vel Geo-
 metriæ theorematis ad naturæ arcana
 condita aperienda viam sibi paraverunt,
 quos inter Guerrickius, Boileus, Huga-
 nius, Harveyus, & postremo Isaacus New-
 tonus, æternum sibi in sapientum viro-
 rum memoria nomen comparaverint.
 Mirum itaque non est, veteres Philoso-
 phos in gymnasiolorum suorum limine,
Nemo huc pedem inferat nisi Geometres,
 inscripssisse; nam sine Geometria maxima
 Phy-

Physicæ pars in abdito latet. Quis enim sive generales motuum regulas in corporum collisione, sive speciales reflexionum, & refractionum leges, quibus ad luminis, colorumque naturam dignoscendam prope accedimus, definire potest mathematicis literis plane destitutus? Quis corporum cælestium motum, magnitudinem, atque distantiam mensura complecti? Quis Staticen, & Hydrostaticen, quis Geographiam, & Meteorologiam, quis Opticen, Dioptricen, & Catoptricen, non dicam percipere poterit sine Geometriæ ope, sed ne longe quidem, aut a primo limine salutare? ut universim affirmare liceat cum Xenocrate, hanc esse veluti *Philosophiæ ansam*. Is siquidem, ut ferunt, cuidam Mathematicum igharo in Scholam pedes inferenti: *Abi*, inquit, *ansus enim non habes Philosophiæ*.

Ut vero eo, unde exorsi sumus, revertatur Oratio, utque omnia simul concludamus, in toto hoc Philosophiæ negotio id potissimum ob oculos ponendum decernimus, ut rejectis omnibus præjudicatis opinionibus quarumquamque rerum, veritatem serio, & sincere, semotoque partium studio, perquiramus. Non eo quidem animo, ut in sola, nudaque contemplatione hæreamus; sed ut rerum cognitio ad vitæ usum, & quod caput est, ad morum disciplinam, virtutum-

tumque omnium assequutionem, nobis
 adjumento esse possit. Quandoquidem
 vitia animo expellere, atque omnibus
 liberali viro, ingenueque instituto dignis
 virtutibus formare, ita proprium est Phi-
 losophiæ, ut ea de causa nulla ipsius
 pars, si Tullio credimus, (2) virtutis no-
 mine, ac munere vacare censenda sit.

(2)
De finibus
lib. 3. in fine.

Ad hujus itaque nobilissimæ disci-
 plinæ studium non est cur vos horter,
 Adolescentes lectissimi; quum enim eo
 sitis loco nati, ita liberaliter educati; ea-
 que animi indole præditi, ut non dicam
 sponte, sed etiam natura ipsa, ac quodam
 veluti instinctu, qui nobilissimo cuique
 videtur esse congenitus, ad omne id,
 quod honestum, optimumve sit, quod-
 que recti formam præferat, ducamini,
 jam ad Philosophiam adipiscendam, quod
 idem est, atque ad virtutis amorem, ma-
 gis incensus vos video, quam ut ulla mei
 exhortatione indigeatis. Itaque id unum
 monebo, quum id maxime appetant ho-
 mines, ut feliciter, beateque vivant, nihil
 autem melius, nihil magis expetendum,
 nihil præstantius honoribus, divitiis, &
 populari gloria vulgo existimetur, hanc
 opinionis pravitatem, qua plane infici-
 mur, atque ab optima natura desciscimus,
 esse omnino abjiciendam. Id vero præ-
 stabitis, si bonorum extremum, quo om-
 nia bene vivendi præcepta referantur,
 non

non in bonis corporis, non in rerum affluentia, non in gloriæ adumbrata quadam imagine, non denique in generis nobilitate a virtute sejuncta, constituendum esse intellexeritis, in quo sane totius philosophici studii summa consistit, idque idcirco alte animo vobis est infigendum, ut veram illam honestatem expetatis, quam unam natura summo opere exoptat, atque ad eum vitæ finem, qui omnibus ratione bene utentibus est propositus, optimum scilicet, & beatissimum, possitis pervenire.

Neque enim alia de causa hoc optimarum artium Domicilium constituit singularis erga vos CAROLI VI. Romanorum Imperatoris benevolentia; non alia Viri nobilissimi summa animi integritate, æque ac in vos studio, & caritate præstantes, de vestris animi ornamentis adeo sunt solliciti; non alia denique Parentes optimi vobis heic degentibus, quos carissimos habent, quodammodo carere ad tempus ferunt, quam ut præ cæteris disciplinis, quæ vos honestare possint, ea potissimum imbuamini, cujus ope viros optimos, honestatis amatores, bonis moribus exornatos, singulari judicio, ac prudentia, quum in publicis negotiis, tum in privatis obeundis, instructos, virtutibus demum omnibus præditos, domum reduces recipiant.

F I N I S.

2

1098.15

1038.15



Ditta SALVAREZZA s.r.l.
RESTAURO
Via A. Cervi 5 - Roma

